



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 5. De operarijs vineæ.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

Demonis proprium est, vt animam, quæ malū semen susceperit, tristem ac perturbatam deserat. Sicut bonus Angelus, bono peracto, eandem latam ac pacatam reddit.

6. Messores sunt Angeli, tam boni, qui ad hominis bona conuertunt, vt Deo presentent; quam mali, qui zizania tua (mala quælibet) simul colligat, vt coram Deo te accusent.

7. Potes ipsemet esse messor, si mala tua scruteris, atq; in examine, confessione, aliisq; exercitiis eradices, aut igne poenitentia & caritatis comburas, teipsum hic iudicando, ne à Domino iudicèris.



MEDITATIO V.
DE OPERARIIS
VINÆ.

PVNCTA MEDITATIONIS.

I. Paterfamilias conducens mane operarios conuenit cum illis de denario diurno: mittit alios hora 3. 6. 9. 11. promittens quod iustum foret. *Mat. 20*

II. Vesperis misso procuratore, iussit singulis dari pro mercede vnum denarium, & primis conquerentibus, dixit: non facio tibi iniuriam, accipe quod tuum est &c.

III. TAN-

III. Tandem conclusit: sicerunt nouissimi primi; & primi nouissimi. Multi enim sunt vocati, pauci vero electi.

 FIGVRA.

Exo. 12.
37.

EX sexcentis millibus armatorū præter vulgus innumerabile, qui ex Aegypto profecti sunt versus terram promissionis, duo tantum, eandem attigerunt, scil. Iosue, & Caleb, reliquis omnibus in itinere, varia occasione defunctis.

 P R O P H E T I Æ.

Isa. 5. 7. 1. **V**inea Domini Exercituum, Domus Israel est.

Hier. 2. 2. Plantavi te vineam electam.

Isa. 17. 6 Pauci saluandi erunt, sicut oliua relicta
Ib. 24. in olea.

13.

 D O C V M E N T A.

1. **V**inea, in quam nitteris, vel Ecclesia Dei est, in cuius cultu tibi iuxta vocationem tuam, laborandum est; vel certè est anima tua, quam ita virtutum, palmitibus ornare debes, vt ferat fructus Deo gratos, ac maturos in vitam æternam.
2. Sicut operarii hic variè mittuntur in vineam, venit mane hora 3. 6. 9. 11. Ita ad fidem aut religionem variè vocantur initio, medio, aut in finem vitæ, nullus tamen mercedem accipit


cipit, qui non strenuè laboret, & vsq; ad finem perseueret.

3. Sicut in colenda vinea, multa requiruntur. 1. putatio. 2. ligatura. 3. solis radij. 4. Impinguatio, &c. Sic in salute procuranda.

1. refecanda sunt omnia superflua. 2. ad stipitem (gratiæ Christi) vitis alliganda est, & vinculis firmi propositi; regularum (V. C. Sodalitatis) aut etiam votorum (si Deus inspiret) constringenda. 3. cum feruore magno & caritate opera exequenda. 4. animaq; ipsa crebra confessione purganda, ac pinguisimo SS. Eucharistiæ pane impinguanda est.

4. *Novissimi* & vltima hora vocati eandem mercedem accipiunt; vt discas Deum non metiri profectum nostrum diuturnitate temporis, quo ei seruimus, sed ex studio verarum solidarumq; virtutum, pura intentione, zelo magno ac feruore, contemptu mundi ac sui, conformitate voluntatis cum diuina in omnibus, aequè aduersis ac prosperis. Hinc vides miraculis inclarescere, & iam qui breui tempore SS. fuerunt.

5. Quoniam dicitur: *Multi vocati, pauci electi*, merito timere debes, nisi paucis bonis te adiungas, & viam angustam qua ducit ad vitam, ingrediaris. Matt. 7.



MEDITATIO VI.

DE VARIO SEMINE.

PVNCTA MEDITATIONIS.

I. *Dixit turhis: exijt, qui seminat, seminare semen suum.* Matt. 13.

V

II. *Aliud*